

般怪異等符

左手第五指近掌文主書一切疼痛腫癩符
左手五指中節為制伏神使主書一切蟲鼠
蠅蟻符

左手五指上節為大力士使者主書厭船後
酒酢等符

凡行步問病治邪入廟渡江入山書符並須
掐訣目發行問病步綱入門存左右二使者
二十八宿在身四周四直四靈在前後想身
為天蓬指左手中指中文入山中行存青龍
白虎在左右日直時直在前後步斗綱指左
手亥上入山入廟破廟存所授錄職想天蓬
身長五十丈領兵士萬萬億衆捕鬼使者天
丁力士比帝敕神祠大將一百二十八人令行
入廟後指大指第一文為破廟目第二文為
入廟目過渡江河存想天地水三官在前四
直在後本錄中吏兵在左右指右手中指第
二節制伏大虎用法取炁指左手辰下為大
虎目則虎伏目不敢視也凡伏惡鬼存身為
天蓬閉目伏印想天蓬咒內三十六將列在


前後監兵五章列兵前後陵光執明建節持
幢句陳穹隆立在臣身中步七星行發印驅
病逐鬼指卯上為伏鬼目發符牒斬鬼存身
本錄天官執符牒在手步綱呼吏兵敕比帝
南斗大元殺重比帝敕斬鬼玄武使者授吾
符牒准此奉行先發牒行准前發牒目次指
右手掌心下文為斬鬼目如惡人戰鬪存身
為周武將軍身長九十六丈天冠赤憤絳章
丹衣手執玉陽之節領兵三十萬衆執符步
綱指左手中指第三文為戰陣目降伏五方
鬼神凶怪存身披髮仗劍步綱用雷師電師
印都天法主印次指左手掌心取天剛炁比
斗蓋頭四靈在前後次指大指下節下為魁
中五星入病人家存身為天醫令左右吏童
侍藥真童隨吾所行指右手寅上為病目凡
人生惡心多行咒詛用符厭已病生不知求
醫無差但依吾法步斗望天剛取炁書符與
著病人指右手子上為翻咒詛目則咒之人
反著而百術不解

太上助國救民總真秘要卷之八

太上助國救民總真秘要卷之九 對九

傳度立獄生天臺履蓋斗燈推占訣法
天心正法符券

夫版符者以版為之上書符咒鐵券者以鐵
葉為之上以雌黃為地朱書券文又或有以
黃花繒帛為之上書符券言不必用鐵止以
鐵為堅確之意案乎古法各有意義大體表
其誠信永堅固而已今且以所授舊法列如
後式



鐵券樣 鐵以鐵葉為之方圓三十同
封於版符內卷內符並朱書

版符券文式 以楠木為之厚二
分高七寸闊九寸

維某年歲次某某月朔某日某辰本貫
大明國某州郡某鄉里某官觀道士某人本
命某甲日時生即日虔心奉請
上清大洞法師某君門下傳授
上清北極天心正法斗下靈文版符鐵券助

國教民行持
道法拯拔衆生苦難斷絕邪精去除瘟疫洞
濟幽冥者



此曰金斗
變傳符者
廢版正啟者
感通化作徵
靈應悉如
上亦律令數

券文

一券傳法弟子某所施大道仙法救治衆民
疾苦常行正直動合天心慎勿邪詭妄行
欺濫

一券傳法弟子某凡所施為將身比身孝養
二親恭事師長治救貧寒老病孤幼見之
即救慎勿貪取

一券傳法弟子某行持天法仙符一依正教
志心嚴潔慎勿輕泄漏慢不敢不取師旨
妄傳他人苟有所違臨事不神

牒前件弟子某性本清虛欽崇
大道志究仙法願指群迷事須給版符鐵券
鎮身護命延年益算謹請四大天王天龍八

部九天元君八大金剛十方護法神王六丁
六甲神將天丁力士五雷使者風伯雨師五
嶽四瀆洞府名山三界一切明神常切衛護
本人行持
太上道法救民疾苦驅瘟疫邪盡副願望准
此奉行

保舉師具位押

監度師具位押

度師具位押

先度師具位姓名

版券封面題式

版符鐵券給付傳法弟子某人鎮身護命行
持

傳度師具位押

道法助國教民剪邪立正准此奉行急急如
律令

版券背面題式
保舉師具位某君保舉

監度師具位某君監度於某年某月某日拜
授

真文契文式


以黃素高一尺二寸闊一尺八寸造

維某年庚寅某月朔某日某時某地某師某
人奉命某年某月某日野行某處某處某
奉詔


清微天

禹餘天


大赤天



太上正法古科律令



太上正法古科律令
日月星辰萬物一如
各師各與師分金破券等物均野
身靈應力萬劫不磨上與七祖同受不敢違道
此符與師分金破券等物均對



大赤天
禹餘天
清微天

法傳受授師不得隨意臨授因弟子其心身
昧大道無教有違真經誤入休
師百善傳道無德之及情此理事實好道
不致不取
疾苦動氣取精傷身命危危年保休之後
上清北極天心法于靈文一部唯願教民
上清法師某君門下傳授
北極驅邪咒
信奉如
人奉命某年某月某日時生行至某處某處某
維某年歲庚某月朔某日某州縣官廳弟子某

新授法人補驅邪院官誥式

敕三台門下

○ 據驅邪院某官姓某乞保奏某人稟性純
素守善存心每崇奉於
高真常歸依於
大道頗有助國救民之志願欲傳受
天心正法符籙保護身命位
天行化利濟群生某人年甲若干某月日
時生上屬
北斗某星君躬俟
俯報者



保舉師具位 臣姓某
監度師具位 臣姓某
傳度師具位 臣姓某

惟三天正法萬道同師矧吾言之易行豈
汝心之難勉宜補北極驅邪院右判官同
句院事准
式以

○ 聞
右牒奉
上清玉帝
敕符到來行
某年月日
度師具位 臣姓某

補職後得報應謝表式

臣某言臣聞大道無形育包萬化上德不宰
運幹三元庶業咸彰最靈居首不二之法非
離乎本守一之要蓋出於誠自顧凡材獲參
仙品臣誠惶誠恐頓首頓首恭惟

太清大帝
祖師上清大帝

玉清大帝開天御曆執符為九百九十九億
萬之道君闡地赤明龍漢乃十號十真百靈
源之經實三天正法五帝真符布化降祥垂
光應物 居凡賤叨奉至猷獲脫塵寰喜廓
仙籍敢不上遵天戒下盡人情救苦為心報
恩是切謹具表謝冒瀆
天威下情無任望
聖微切屏營之至 臣某誠惶誠恐頓首頓首
謹言

太歲某年月 日具全銜 臣姓名上表

○ 立天獄法
凡建立天獄先須依方所建置淨室一間並
須緊密掃洒潔淨然後建獄

辨方訣

正月在子五九同 二月十六兔園中
三十一馬欄內 四八十二入雞籠
凡建獄先須變神後三步丁網存左右有棟
劔印青衣二童子自身為驅邪院使戴交泰

冠披魚鬚服右手仗三昧火鈴劍左手執都
天法主印於建獄室中步七星網令人隨步
持竹子後用左紐緋繩一條逐星繫之先寫
追鬼符兩道一朱篆一墨篆以紙錢伍帖於
獄前燒符存追鬼符使如急脚之狀便指追

鬼訣法在集 呪曰

天獄靈靈上帝救行都天法今授命嚴行收
捉邪鬼無輒容情急急如律令

用紙一條朱書云泰山差來承帖神將應捉
到為禍鬼神並赴此獄復於此文上寫法師

銜位一行下押花字又於押字上寫准上帝


救念前天獄呪次以上帝訣天丁訣貼於天
獄竹子上存黑絹作黑雲變護化北斗作黑
暗獄天獄八星陽日用石及陰日用炭及為
之各闊七寸武曲星下立獄圓闊一尺二寸

用青竹九莖各長四尺九寸星并獄各以細
灰為之以竹子逐位標定乃以竹為直獄將
更以卑帛九條各長九寸闊一寸二分於竹
子頭星下七寸繫定朱書八星名於卑帛上
日開夜開慎防動觸並不用燈燭如治病以

網指病人卧房餘所雜事即以網指月建如
經兩宿天獄上未見蹤由即依前行文字催
承帖神將於立獄房門上貼天獄二字大書
事有報應未報應相度施行一依陽道公法
不順人情立獄不得令人見只常自己出入
驅邪院五獄主直壇土地亦須先燒錢馬

追鬼符式

寫時向月建燒時觀之日所
有為禍邪祟速就原頭焚滅



獄內驗鬼跡法

若是狂猛凶惡鬼神即見本相如是陰沉之
鬼只露蹤跡如是命當終亡即病人本命星
下獄上現雙跡乃追魂使者報應也宜詳之
急罷獄若似難跡是客亡似人跡大小五通

似貓鼠狐狸跡山精似人手足羸大猛惡山
神似蛇蟾跡竈神佛像土地壇席鬼若似鴉
鴉跡有血點者傷亡鬼若貢起者廟宇僧院
神靈為禍如刀挑起成小跡多者本家修造
觸犯如騾驢牛馬跡大者家壘毒小者隣壘
毒如布索拖拽痕者自縊鬼如蟻跡雜亂者
伏尸癆鬼似小指兩頭一般大小塚墓注鬼
小者山林陂池觸犯為禍


罷天獄法

變神為驅邪院使令鬼神先赴星壇顯現訖
依公以狀申解東嶽及以帖付神將管押前
去獄下出頭逐一封角文字了畢供養錢馬
便指揮二神將仰處分泰山差來神將及城
隍下神將速於天獄中交領某家為禍鬼神
於案前伺候指揮想見領到即便指揮依位
賜酒食錢馬訖即將管押鬼神文帖公引發
付了一面令人拆獄焚之砂灰並送江河內
申解狀式具列卷在第十卷
建生天臺法
詳投狀詞理分明依狀施行如不著實指定

因由即海行文宇申嶽乞指揮差神將同本
屬城隍被呪家司命五道逐村社廟靈壇乃
至內外子細察探是何色人以何師巫在何
鬼廟許何物色枉殺良民未能解釋當院於
奉入家建生天臺未審前件去處仰神將就
彼管押赴臺候到即時行遣存見本人冤魂
默言云弟子某與汝先有冤恨汝何故牽纏
於陰司為禍至此見今某卧疾今吾為汝廣
為齋醮經文錢馬資薦令汝就此臺生天今
後須管改心易行更莫似前執對若不稟此
指揮歷劫冤對不能托化如不聽吾言當禁
汝入斗獄碎汝形影化為微塵急急知律今
依法在變了即出牒引交付與神將押去東
嶽仍關沿路土地遮相防送直至府君殿下
乃告府君指揮速報司勾除冤報捷疾取下
詞狀放今生天生天臺於生炁方上用甘
松沉檀酒水拌砂為之三層下闊二尺高三
寸中闊一尺五寸高二寸上闊一尺高七寸
上層用鑑一面安富心中層四角安燈四盞
臺前點七星燈以柄指病人房臺上一籤書

云生天臺三字又用卓子一隻列時果香燈
茶酒供養卓子後用一牌闊三指高六寸上
書云
稽首祖師上清大帝牌用字後再三祝白事
意伏乞

生天臺樣



祖師上清大帝特降救旨依臣所奏施行

下隴蓋法

先具狀飛奏上帝申北斗七王并泰山乞降
指揮本屬城隍差神將同某人家司命土地
等神專切巡護係隴蓋入口一年之內無諸
災害行遣了畢狀式具後用鐵柱一枝若手
大指大長一尺二寸象十二月上月刻七節象
北斗七王官存為金階玉室寶殿用一小淨
瓶盛符用鐵一片長七寸闊二寸上篆三光

符鎮之

鐵柱樣



鐵版符樣



符用黃絹一尺二寸上篆三台下篆北斗七
星象七王官分各逐本屬星下書弟子姓名
年月日時

絹符樣



絹符盛於瓶中并係隴蓋入隨年錢以一大
瓶到入隴蓋下小瓶逐逐月華蓋方上掘地

深一尺二寸埋之華蓋方然後變神步七星
網用天丁訣從食狼起至破軍下禁其步網
念呪曰


北斗靈斗柄前星貪狼操惡食鬼吞精巨
門烜赫照耀光明祿存奔霧統攝符兵霞衝
文曲光徹廉貞威靈武曲真人輔星天綱大
聖急急如律令入瓶并符

下隱蓋念呪曰

天為我蓋地為我載北斗七星為我衣裳吾
藏弟子其人幾口在北斗七元之內流火之
庭干不能侵支不能傷為我者太陽不為我
者滅亡急急如律令

下禁埋瓶插鐵符於前安鐵柱於後即存四
天門王鎮四角存條隨蓋人在七王官次想
城隍下兵圍繞巡護訖叩齒而退候年終開
隨蓋即備酒食錢馬獄符中聖眾三台北斗
本命星辰隨方備醮答謝
恩祐仍犒賞巡護神將兵眾當境土地逐一
具牒狀發還回獄交還候交領兵將訖明乞
報應

數字延生燈式數字四十九蓋延生
蓋四



凡治瘟疫狂邪病患醮謝並點此燈常點辟
瘟延壽並各用石灰作履後安燈點之先步
七星網誦呪曰

北斗七星玉真仙靈貪狼巨門保臣長榮祿
存文曲使臣聰明廉貞武曲保臣長寧破軍
輔弼護臣身形常居吉慶永保福齡注上生
籍除落死名神清燕潔洞達幽冥禦邪攝鬼
群妖摧傾學道修真我願合成七元扶衛飛
昇紫庭急急如律令
從用五雷訣閃目三轉作電光滿室批發訣
即誦發燈呪曰
上帝有敕發點斗燈七玉來降照護眾生左

右輔弼親見威靈天蓬元帥統領天兵五雷
使者六甲六丁玄武大聖台中三星去病除
禍誅斬妖精三魂輔體七魄安寧遠救者死
稟救者身延生一點身宅光明急急如律令
然後點燈如人病患淹延醫治不可者宜點
此燈先用淨油六十四兩木一兩甘草一兩
腦子一分桃枝一兩每條長九寸雄黃半兩
朱砂半兩已上除朱砂外一時入油中浸七
日向長生上以大黑煞符守護三光符封瓶
口候日數足取出去藥將油入淨盞中盞緣
四周用硃砂塗令厚從病人本命星上閉炁
步網如前點之以斗柄指病人卧房不得用
紙燈點宜用松明發之不得泄氣如其夜患
人本命燈先死便與家長言不可救也或明
權復有飛蛾投之人安鬼伏也如蛾活燈死
鬼盛人衰切在臨時詳之或暗不滅則知人
命不妨止是病未安也

點燈占住宅災福

宜於六會夜如前法安排醮祭占之事燈明
則吉暗則凶若有青色須有伏屍赤色忘血

先災白色有喪服或外孝黑色有病及官事
求家仲黃色有溢蒸煇長明者吉成輪先者
凶暗而復明主有凶惡

華蓋法

正月子方 二月丑方 三月寅方 四月卯方
五月辰方 六月巳方 七月午方 八月未方
九月申方 十月酉方 十一月戌方 十二月亥方
逐月在其方地謂之華蓋上建立醮蓋并生
天臺點延生燈也

紫微七政總天活曜天剛法
天剛所臨一切

七星日夜轉青天 魁在頭兮剛尾邊
一日時中十二時 十二時中常戌起

訣曰

但每夜戌時以戌上剛如月建上一時移一
位周而復始萬年亦同用之

又古天剛法

月月常加戌 時時起破軍
太陽未過宮前起亥太陽過宮後起戌常以
月建上以亥戌起到正時即便見天剛行度

推太陽方

正九出乙入庚方 二八尋兔入酉剛
三七上甲入辛位 四六生寅到戌鄉
五月入乾從艮出 十月巽身入坤方
十一十二居辰上 此是天心合太陽

推太陰方

正九先從丑位通 二八還歸子水宮
三七亥方四六戌 五月酉天正歸東
十一十二居辰上 順數加時退一宮
後見太陰臨照處 此是月光取照同

入式坐端法

入式之法妙通玄月將加時位上端便視何
神同一位用起人元建日千剋者為元徒旺
斷五行之內審須看辯其神將詳凶吉方察
來人見的端動者為客不動主神將為財定
剋看主剋財者財不動財剋主者競爭官客
剋主者來索物主剋客者客不歡加到本鄉
財不動相生忻喜物團圓二本為支財難得
二土俱比遲晚間二金相剋都無順二火為
災百事殘二水皆須為大吉水來入火婦難

安全入木鄉口舌起火入金鄉有遠遠木來
入土為刑獄土來入水競庄田上剋下時從
外入下剋上時向外邊常取寅申為貴客子
午卯酉酒食筵已亥定須來索物辰戌開訟
競留連丑為銅鐵金銀類小吉婦人酒食錢

四位相生萬事吉內中刑剋不須言此是孫
賓真甲子天地移來掌內傳

推病狀法

問人年紀病根源 月將加時命上傳
見木便言風氣病 酉金氣滿肺相連

逢火內外皆生熱 見水冷病在腰間
遇土有刑生瘡腫 相生病體易為安

要見盤盤尋好醜 貴神位上共同看

又法

占病之法要須論 月將加時位上明

四仲即言痛苦疾 常須四孟是天行

四季定之長病患 唯看刑剋辨浮沉

剋金為喘剋土服 剋水還為多難速

剋木即為肝家病 剋火應長心裏連

此是神仙真妙訣 孫賓十法不令傳

定病人生死法

來人方上辯生死 貴神月將同用此
貴神與將若相剋 定知病重卒難止
人元方位更傷殘 昏沈應是難療治
命與財傷氣木金 此文秘奧通仙旨

定病人生死鬼限法

甲子巳午九宮傳 乙庚丑未八由年
丙辛寅申七行位 丁壬卯酉六行言
戊癸辰戌五行位 巳亥四殺本根元
年命得日支干上 在何宮宿所相連

一坎二地三在雷 四風中五不堪言
六丁伴尋過七宅 九火仙人度八山
立春艮旺在山頭 八節隨卦順行流
旺相胎沒無餘事 囚死非中夜可愁
就中休廢兼逢鬼 便排棺擲赴荒丘

除法

六七一火二木三金四土五
天除一地除二人除三四時除四五竹除五
六甲除六七星除七八卦除八九曜除九不
盡者是養壽并見之奴隨位辯其衣服色目
也


推取伏尸法

伏尸之法不為難此法元來有妙玄月將加
時知去處魯都之下伏尸安乙庚勝先尋方
位丙辛二日在坤邊戊癸功曹魯都吏丁壬
亥上傍於乾甲巳之日小吉下魯都之下是
枯泉魯都戊巳伏尸隱剋魯之處取應難

課崇是何神法

人來課崇求神意 月將加時方上覓
亥為爺娘北岳神 巳上電家相為崇
子為講龍玄武神 午為湯妨心中撒
丑為伏尸河伯神 未為中官或自縊
寅為刀兵樹龍神 申為口願功德崇
卯為客死外亡人 酉為佛像產死鬼
辰是天心家宅神 戌為觸犯家土地

推病崇圖



凡看病但問來人其患人在何方位卧地如
在兌上即知是家神少女其餘皆倣此臨時
書符行牒或劄子行遣驅逐也

行符吉凶時辰法

甲乙日在寅卯丙丁日在辰巳戊己日在午
未庚辛日在申酉壬癸日在戌亥
右巳上日治病行符不可去大山

行符治病法

來人請符定時辰月將加時問病人傳到命
中看剋王連時運悉細推尋但俱亥上為正
月逆位分明十二神病人命上無相剋依時
符水得安寧

十二月行符雜忌法

正二三四五六七八九十月十一
大煞 戌巳午未寅卯辰亥子丑申酉
小煞 丑戌未辰戌未辰戌未辰
天獄 卯寅丑子亥戌酉申未午巳辰
地獄 戌酉申未午巳辰卯寅子亥
天魂 丁丙乙甲癸壬辛庚丁丙乙甲
地魄 癸壬辛庚丁丙乙甲癸壬辛庚

天賊 酉寅未子乙戌卯甲丑午亥
 月德 丁坤壬辛乾甲癸艮丙甲巽庚
 月煞 丑戌未辰丑戌未辰丑戌未辰
 右凡每月內值大煞小煞月煞書符符符並
 凶宜厭怪煞孤梟吉凡姓病家忌於矣地獄
 方上入門弄病人不可在獄方上向師治病
 凡人命與天地魂同者其日不書符亦不遺
 符犯之殺人其天魂地魄方上當月不釘符
 入地犯者田蠶死亡百事皆凶假令丁癸甲
 庚生人正四月及丁癸日不為人書符亦不
 與丁癸生人符是其例也
 凡月德方上宜移病人牀在上治之吉
 四季天一所在方
 春卯 夏午 秋酉 冬子
 凡書符下照在貴人方上大吉或設天一座
 各依方色氣數置符上禮之春九夏三秋七
 冬五度訖付人神驗

太上助國救民總真秘要卷之九

太上助國救民總真秘要卷之十 對十

洞幽法師元妙安編

上清北極驅邪院行遣公文式

按法科凡有事端關燁靈祇申奏
 神真最為綱要文式典則不可不備今以

應係合用行遣之式修定開列貴無闕悞

云耳凡因事應合行遣文字此更不一
 其載如有不備者並比類格式隨意
 用施行

傳法人投狀式

某州縣村郭坊市弟子姓某

右某謹齋法信開是何整竭精誠投詣

上清法師某乙門下誓願乞傳授

此極天心正法一部志願助

天行化佐國救民治病扶危斷絕邪魔行持

已後並依師指不敢妄傳非道之士及恃此

違昧

大道稍敢有違乞先滅一身後罪七粗乞申

奏

七元高真

東嶽聖帝乞賜

懇念許與傳授謹狀

某年月 日具位姓某

諸應弟子求保舉師狀式

某州縣鄉坊村里係姓某

右某昨於某年月日具辭躬詣

上清法師某人門下求授

天心正法一部志願助

天行化佐國救民治病扶危斷絕邪崇已蒙

許賜剋日奏名奉命依法訪尋有道名師保

舉傳授竊念某生身幸處於中華存心久棲

於象外尋師屢訪於知已傾誠始遇於

明人比者伏惟

某門下得法至精與揚

大道救民及物拯濟殊深某謹投

門下願求保舉儻蒙

收錄則某敢不堅心剋志鏤骨銘骸至願修

行上報提拔之賜不勝幸甚謹具狀告

聞伏候

法旨

國號某年月 日具位姓某

狀

狀